

اسلام کتب خانہ

مدیری : حلیم ثابت

صالی ۲

۳۰ ربیع الاول ۱۳۴۲
۱۳ شباط ۱۳۴۹

پیل ۱

قرآن کریم

سورۃ جبرائک ترجمہ سی خ . ن

امیر ملک مجالی

اسلام و ترقی اسبق شیخ الاسلام موسی کاظم

کلام

توحید رضاء الدین بن فخر الدین

فقہ

فقہ واجتماعیات کورک آل

دین ادبیاتی

تورکارده دینی ادبیات کورپریلی زاده فؤاد

تاسخ

آق شمس الدین بروسہلی محمد طاهر

اجتماعیات

اسلام عالئده کوریلین امحطاطک سبیری احمد آغایف

مسلمان قادسی

مراجعت ایڈیورم ف . ن

اسلام حواری

بخارا : بخاراده تجدید امارہ لری — لازان : شہاب الدین مرہجانی ایچون —
ارفا : بجرکلی مسلمان قادسی — باکو : مسلمان بائقہ لری

استانبولده مائیلدینی یر : « نورکچ بوردی کنتخاہسی » نسخہ سی * ۱ بارہ در

استانبول — طین مطبعہ سی

اسلامك نجائی

اسلام و ترقی

۲

اصحابدن برینك (قیونی بن کسرم) دیکرینك (بنده یوزەرم) بز
 اوچجیسنك (بنده پشیریرم) دیمی اوزرینسه (بنده سزه اودون و یونغه
 طویلارم) دیور. اصحاب کرام (یارسول الله سزاستراحت بیورك نه لازم
 ایسه بز هپنی یارز) دیورلرایسه ده اول حضرت آنلرك بوسوزلرینه (بیلیرم
 یپارسکنز. فقط بن سزدن ممتاز بر حالدیه بولتغنی قبول ایتمه) جوایی ویریور.
 بوکچی نیجه اطوار عالیجنابانه واقوال حکیمانه و افعال مردانه سیله انسانلرك
 یكدیکرینه تحکم و تغلبه اصلا حقی اولدیغنی کوستریور.

اول حضرت مساواته رعایتی یالکنز مسلمانلره حصر ایتمیوب (بتون
 انسانلر طراق دیشلری کی بربرینه مساویدر) و (نعمت و کلفتده بز مسلملر
 مسلملر برابردر) مآئنده کی حدیث شریفلریله نعمت مساواتی ملل غیر
 مسلمه یه دخی تشمیل ایلمش ایدی. حضرت رسول ذات رسالتناهیلرینی هر
 خصوصده امتیه مساوی طوتمق قاعده سنی تاابتدادن اتمایه قدر محافظه ایدی.
 شرف نبوتی ایلك احراز ایتدیکی زمانده کی حالی نه ایسه آخر عمر تده کی حالی ده
 اویله ایدی. سکنز اون ملیون اهالینك کندیسنه ایمان ایتلری و ذات علیاسنه
 قارشو صوكد درجه اطاعت و محبت کوسترملری آنك اولکی حالی اصلا دکشدره
 مدی. بو درجه قوی و متین بر اطاعتدن، بر محبتدن بالاستفاده بر کونا منافع
 ذاتیه تأمین جیتی آنك خاطر و خیالندن بیله کچمدی. تکیم ارتحال داربقنا
 بیوردقدن صکره بر اقدقلری، هم ده بیت الماله صدقه اولق اوزره بر اقدقلری
 ترکه نبویه لرینك بر قات الیسسه، ایکی کلیم بر چارشاف، بر قاج صوقایی،
 قواطه، طراق، مقاص، مسواک، بر کیموش مهور، بر سریر، یکر می قدر دوه

یوز قیون ، التي یدی قدر کچیدن عبارت اولسی بو مدعایمزی اثباته کافیدر .
 کندیسندن صکره اصحاب کرامده بو اثر عالی رسوله قدرتلری یتدیکی
 قدر توفیق حرکت جالشدیله برنجی خلیفه سی حضرت صدیق ایلك خطبه سنده
 (ای ناس دوغری یوله کیدرسه بکا معین و ظهیر اولیکز واکر اگری یوله
 صبارسه بکا دوغری یولی کوستریکز . دوغریلق امانت ، یلانجیلق خیانتدر .
 سزک ضعیفکز نم یامده قویدر . زیرا آنک حقی آلیرم . قویکز ایسه نم
 ترمده ضعیفدر . چونکه آندن بشقه سنک حقی آلیرم) دیمشدی .

حضرت صدیق ذاتاً تجارتیه کچدیکندن خلیفه تعیین ایدلدیکی کونک فرداسی
 صباحلین بر معتاداموزینه بز طوپلرینی آلوب صامق اوزره چارشویه کیتدی .
 یوله حضرت عمر و حضرت عیبه تصادق ایتدی . آره لرنده شوپله بر
 محاوره جریان ایلدی .

— نه یاپیورسک . مسلمینک امور و مصالحی سزه تقویض اولندی . سز
 یویله چارشوده بازارده بز صاته جق اولورسه کز مصالح عبادی کیم رؤیت ایدجک
 — بک ایی اما بن عیالی نصل اتفاق ایدیم ؟

— بز سکا بیت المال مسلمیندن تققه تقدیر ایدهرز... بو محاوره دن صکره
 اصحاب کرامک اتفاقیه حضرت خلیفه یه یومیه یارم قیون وبری یازلق ، دیکری
 قیشلق اولق اوزره ایکی قات ایسه و سنوی ایکیک درهم کوش تخصیص
 ایدلدی . ایشته مسلمانلرک ایلك خلیفه لرینه ویردکری تخصیصات سنویه ! .
 آندن صکره کلن خلفایده عین تخصیصات ویرلدی . هیچ بریسنه بو
 مقدار دن فضا به برشی ویرلمدی . حتی حضرت فاروق زماننده ممالک اسلامیه
 بر سرعت خارقه ایله توسع ایتدیکی و یوز علیونه قریب نفوسک حوزه اسلامیه
 داخل اولدیغی و بوجهته بیت المال مسلمینه برچوق ملیونلره بالغ نفود و سائر نک
 کلدیکی بز زمانده بیله خلیفه مشارالیه ایلك تخصیصاتنه برجه علاوه ایتدی .
 بر آره لقا اصحاب کرام جناب فاروقک تخصیصاتی براز آرتیرمق ایسته دیلر
 ایسه ده کندیسی بونی شدتیه رد ایتدی . چونکه بویله برشی یاپیندیغی تقدیرده
 بو خصوصده برنجی خلیفه ایله کندیسی آره سنده عدم مساوات کوربیور

و حالبوکه بو حالی شیعه انسانیت و حقیقتیه اصلاً موافق بولمور ایدی .
ایمدی کوریلنور که بیک اوچیز بو قدر سنه اول دین اسلامک تأسیس
ایتدیکی قاعده مساوات او درجه عالی و وواسع ایدی که شو عصر حاضر مدنیته
بیله هیچ بر ملت بو درجه مساواته نائل اوله ماغش و بوندن صکره ده نائل اوله میه جفی
شبه دن وارسته بولمشدر .

شیخ الاسلام اسبق

موسی کاظم

کلم

توحید

اسلام دینک اساسی «توحید» اولدیقتن حق سبحانه و تعالی رسوللری ،
«توحید» دعوت ایدوب «شرك» ی اساسدن سوکک ایچون ارسال اتمشدر .
ذاتاً توحید ، اسلامیتجه اعتقادک اساسدر . توحید اولدجه سائر حسناک
هیچ بر ثمره و بر میه جکی محققدر .

توحید ، حق سبحانه و تعالی حقده یالکز « وارلق ، خالقیت ، رازقیت »
اثبات ایتکله تمام اولماز . مکه کافرلری ، عرب مشرکلری ده حق تعالی حضرتلری
حقده بویله اعتقاد ایدیورلردی : حضرت الهی « وار همه حالق السموات
والارض » دیه اینانیرلردی . حتی کندیلری آله و معبود اعتقاد ایتش اولدقلری
شیلرینه ده مخلوق دیرلردی . قرآن کرم شو حالی « ولئن سألتهم من خلق
السموات والارض ليقولن الله » [لقمان : ۲۴] دیه حکایه بیورمشدر .

توحید ، بوتون بو اعتقادلرله برابر الوهیت خاصه لرینی یالکز الله تعالی
حضرتلریته حضر ایدوب و شو خصوصده اون شریکدن تنزیه ایتک ، عبادتی
یالکز اوکا تخصیص قلمقدن عبارتدر . ایسته میلمانلر ، کافر و مشرکلردن
شو نقطه ده آریلرلر . زیرا کافرلر و مشرکلر الله تعالی بی « وار ، خالق کل شی » دیه